

山東河南右布政使萬觀年富為河南左布政使
增兵二千戍密雲

貴鎮守山西都督僉事孫安巡撫右副都御史朱鑑巡邊
定通州京師邊衛運米例

江西大庾人孫富李俊作亂富被擒獄死俊攻南京被誅

誅御馬監少監跛兒干跛兒干本降胡從土木即助射內
使黎定至是來使多需索

庚戌右都御史陳鎰為左都御史 按察副使陳詔為左

僉都御史

湖廣左叅議侯復丁鎡翰林脩撰裴綸為山西河南山東右
布政使

作賞功牌分奇功首功齊力三則主以文臣

上皇轉至陽和陽和守將進牛羊酒閉門不敢納

辛亥都督僉事劉德新為都督同知

國子監生練綱言 留聖駕索金帛致金人以汴宋待我今

日固非宋室可比然求如神師道李綱輩不多見人心依賴


係國家安危惟兵部尚書于謙武清伯石亨竄勅其堅守中

軍遣將分戰又擇宗室親王會鎮守官募義士大舉入援文

國權

正統十四年

光



武群臣敢議和勸南遷者已誅之勿留悞國 上深納之

卜擁 上皇至紫荆關喜寧語 曰大同陽和不納今可從

紫荆關深入以窺京師次于關北右副都御史孫祥遣指揮

劉深出謁岳謙語深曰此卜三萬精騎止二萬又二萬入古

北口

卜三萬騎過順聖川洪州堡欲犯京師

夜狼星搖動

壬子蔣琬嗣定西侯 蔣貴之孫父義足疾故

釋忻城伯趙榮

魏國公徐承宗掌前軍都督府

右都督劉聚右僉都御史張楷免初聚楷入建寧城日觴咏

且索府衛金帛聞鄧茂七死始進延平檄諭賊時無聚印易

疑偽作征夷將軍印妄報子應麟及蒼頭功命討浙寇妄報

賊平至是還朝被劾

致書宗室諸王曰卜入關京城危急願念宗社為重命將率

兵星馳勤玉期在旬月仍自鎮靜固守藩疆


鎮南王徽燦偏叛苗求內徙止之

陝西布右政使王暹為右副都御史

國權

正統十四年

辛




兵部郎中龔永吉為大理寺右少卿仍贊理王驥軍務
進士方輔為兵科給事中

京衛帶俸都指揮僉事陶瑾為署都督僉事

癸丑 上召文武大臣議禦 遂選萬六千人給五千騎以
都督僉事孫鏜充總兵官高禮充左副總兵往紫荆紫關右
僉都御史段信都指揮僉事姚麟等將真定保定民兵入城
進鏜右都督王通都督同知楊壽都指揮同知又選兵二萬
益陳鑑一萬益毛福壽陶瑾其一萬策應將發聞 入關遂
屯都城南時 聲言還蹕朝議如沸多主歎兵部尚書于謙

獨抗言曰社稷為重君為輕戒邊將毋中 翰林侍講徐瑾
好言天象入對言紫微東宮皆有變宜反南都太監金英叱
之諸臣相軋未定多遣其私重歸謙慟哭廷諍曰京師天下
本宗廟社稷山陵寧此百官萬姓帑藏廩庾萃此 而不守
去欲安之今日足一動明日大事去矣且 乘勝驕寔不足
畏也 上善之曰其聽謙處分金英宣于眾曰死則君臣同
耳有議遷者 上誅之無赦于是朝議始一
延平盜仍恣掠勅梁瑤范雄薛希璉督兵民捕之

十二千騎寇肅州官軍擊卻之




夜大星赤火燭地自三師流少弼尾化蒼白氣狀如五尺蛇
徐々西行

甲寅南京兵部左侍郎徐琦為尚書仍叅贊机務工部右侍郎陳恭為尚書仍督理柴炭左僉都御史雷深為右副都御史兵部武選郎中鄒幹為右侍郎薛瑄為大理寺右寺丞左軍署都督僉事陶瑾是授都督僉事錦衣衛指揮同知劉源為指揮使再濟師一萬瑾領之都督同知劉得新掌左府兼領三千營勅鎮守陝西興安侯徐亨等調兵四千四百人赴寧夏

乙卯都督同知武興為右都督

勅兵部尚書于謙提督各營謙身屯德勝門外反闔門泣誓將士皆感奮見兵二十二萬軍盛而整宥廣寧伯劉安鎮遠侯顧興祖右都督劉聚俱充副總兵官命諸將分陳九門總兵官武清伯石亨則德勝門都督僉事陶瑾則安定門廣寧伯劉安則東直門武進伯朱瑛則朝陽門都督劉聚則西直門顧興祖則阜城門都指揮僉事李端則正陽門都督劉得新則崇文門都指揮湯節則宣武門皆受石亨節制勅亨及左右副總兵署都督僉事范廣都督武



興戰守務出萬全

彭城衛帶俸指揮僉事雷通為都指揮同知協守紫荊關

守備荆紫關按察使曹泰往倒馬關提督守備

丙辰胡瑾嗣恭順侯 胡克忠之子

兵馬司議毀都門外民居屯兵兵科給事中李震言搖動

人心止之

庶吉士曹鼐昂霍榮喬毅為給事中國子監丞潘洪鄧達謝

珺陳全為監察御史

刑部右侍郎江淵叅贊孫鍾軍務

免安徽全椒灾租千餘石

勅甲士出城時士帶甲才十之一吏科給事中程信戶科給

事中王竑同都督王通右副都御史楊善提督軍務城守

提督守備紫荊關左副都御史孫祥拒 喜寧導 自間道

夾攻闕破殺都指揮韓清等祥走免夜 乘勝臨城孫祥卷

戰死時戶科給事中葉盛悞劾祥棄城逃遁踰月脩關按察

使曹泰得屍于戰所焚之不以聞祥弟祺白其枉下巡按御


史覈寔賜其家五金彩幣二

丁巳 上告警郊廟

國權

正統十四年

三



命宣府總兵官楊洪兵二萬遼東副總兵焦禮施聚將兵三萬入援從吏科給事中姚夔之言

庶吉士劉清為兵科給事中

譚裕嗣新寧伯

譚環之子

駙馬都尉焦敬巡視皇城

勅巡撫山東山西河南都御史洪英朱鑑王來王文及直隸山東山西河南分守監察御史金達謝佑王偉陳金姚龍陳誠汪庭訓蘇璟徐珪王玉楊鼎李賓夏裕白圭王廣各收保人畜入城率所選官軍民兵勤王

上奉 上皇過易州次良鄉父老獻茶果羊酒

戊午次蘆溝橋果園署官獻果品 上皇奉 皇太后及


上書又諭文武羣臣俾固守頃之遣岳謙與使納哈出答語彰武門外門軍擊殺謙納哈出奔還也先遂列陣西直門外 上皇御幄止安定門外都督高禮毛福壽戰彰義門北殺賊三百人擒一人勅石亨于謙屯演武場都指揮而下不用命者斬以狗太監興安李永昌同亨謙等整理軍務

大寧都指揮僉事姚麟為都指揮同知鎮守廣東平山衛帶俸都指揮僉事趙瑄調大寧

國權

正統十四年

五



黃蕭養等攻圍廣州月餘遣監察御史李璿調廣西兵勅巡撫江西侍郎楊寧調二千人援之


卜入涑水

時議京城外積芻戶科給事中李侃言不能持久勿輕燬從之

已未卜擁上皇逃城邀大臣迎上疑馬以通政司左叅議王復為右通政中書舍人趙榮為太常寺少卿賈勅出謁進羊酒諸物也先伯顏帖木兒掇甲冑屬弓矢取勅視番書上皇帶刀取勅視漢書上皇曰大臣何不來也也先問曰

是皆何官上皇曰庶臣也先曰大臣不迎而使庶臣乎上皇曰汝歸則使于謙石亨王直胡濙來復榮反命下廷議言謙等國所仗竟不遣謙謝曰君忘臣之不才使臣司司馬司馬知戰臣知死壘永平衛指揮僉事胡鏞為都指揮僉事充左叅將協守鎮撫薛斌以二十三人行劫營殺賊一人奪所掠千人陞賞有差

徵官民鞍馬甲冑償其直欽天監正彭德清獄死仍斬首德清斬黨王振匿災異從征



又不擇地

蔚州靈邱廣昌奸人乘警劫逃民下巡撫朱鑑招之
是日雨雪夜大風雷

庚申戶科給事中王竑為右僉都御史
前軍帶俸都督同知王敬為右都督羽林前衛帶俸都指揮
僉事王勇為前軍帶俸都督僉事

勅巡撫永平右僉都御史鄒來學左叅將胡鏞以兵二萬人
援之


指揮同知石彪都指揮孔旺等率兵勦肅州賊又徵朝鮮野

人女直合遼東兵夾擊

召山東署指都揮僉事魏忠平山衛指揮僉事毋英濟寧衛
署指揮使陳忠濟寧左衛指揮使趙輔旗手衛指揮同知徐
海錦衣衛百戶張真下石亨試擢

戶部郎中汪潁徵陝西河州等衛土軍入援

數騎規德勝門于謙石亨伏兵于兩旁空舍先數騎迎敵
佯北萬餘追我伏發神炮火器擊敗之都督孫鏜戰西直
門斬先鋒數人逐之益圍鏜力戰都督高禮中流矢亨
分兵往引卻



夜月暈掩奎璧婁三宿

辛酉朱瑛嗣武進伯 朱冕之子

命都督王敬武興都指揮王勇擊彰義門右僉都御史王
茲提督軍務赴毛福壽高禮行營合孫鐘勅福壽等塞京城
外西南街巷要路伏神銃短槍
嚴京城夜禁

都督王興敬武興戰彰義門外以神銃擊卻俄報効內官
數百騎突出陣亂乘之而敗逐至土城興中流矢死居民
升屋擲磚王茲毛福壽援之遁

勅提督居庸關守備右副都御史羅通等盡以趙玫楊俊兵
入援

是日外攻居庸關官軍擊卻之

壬戌上擁上皇出土城自良鄉而西散掠畿內


書止安塞王秩炅真寧王秩熒山陰王遜堪安化王秩炆徙
內地

致書太師也先曰太師且奉朕兄歸意良厚願部下多剽掠
朕所以發兵備他盜耳太師如戢兵以數騎護衛 上皇朕
亦遣數騎迎彼此解甲相和好固朕志也復勅知院伯顏帖

國權

正統十四年

二十七



木兒曰朕兄在營知院供具無闕敬謝知院
封石亨武清侯進于謙少保亨追下清風店下畏亨亨使謀
者詒之是假亨名耳下信而攻我亨率從子彪奮擊刀斧交
下殺百人下始悟亨在亂亂相蹂踐亨悉銳乘之下稍棄所
掠餌我而遁

約論曰方正統時國家遼 熙宣長裕之後中國全盛乃
戰一跌而輿師輻解固亘古未有也少保用而生民有主
社稷有輔廟勝神略百全無忤不移時而補天回日之功
卓然亦亘古無是哉語曰安危視所任又曰成敗以謀易

于反掌信矣


大理寺右少卿許彬為太常寺少卿兼翰林待詔仍譯書庶
吉士成章進士李錫俱為戶科給事中
錦衣衛指揮呂貴為署都指揮代高禮同毛福壽擊下無一出
增各城兵馬指揮十人時王直言城外關廟居民自團聚詰
盜故增官轄束之

尚寶司丞夏瑄奏募死士持長刀巨斧并砲夜襲下營彼覺
則砲驚之俾夜不得息寐則進擊仍伏兵防其追 上是之
起復南京工部右侍郎吳政

國權


正統十四年

二天



吏科給事中陳信言號令嚴明，衆則堅守，少則合擊，又
戒諭軍民官舍工匠等勇敢應募有功，例賞亡功事畢聽回，
似南行乞調山東河南援兵道支衣甲，于是真定保定河
間立營拒勦，上是之。
七先與伯顏帖木兒大同王謀送，上皇出紫荆自往攻居
庸居庸不守即迎，上皇還入京師而曰：中朝大臣無一出
迎駕但隨，皇帝者皆歸，于是獨袁彬與通事哈銘隨駕。
癸亥右副都御史羅通吏部侍郎曹義禮部侍郎儀銘工部
侍郎張敏右通政欒暉大理寺丞薛瑄太常寺少卿習嘉言

鴻臚寺丞張翔太僕寺少卿俞綱分守九門時，宵遁京師
猶戒嚴，亦留兵萬計，上皇出居庸關平陸縣與雨水黃河
上至居庸關都指揮楊俊擊斬六級獲馬百二十，上皇不
勇士有出戰私匿者命石亨斬以徇，上皇入城，上皇
上擁，上皇過易州七先先行駕後失所向袁彬大哭家有
老母不得歸哈銘曰：兄切勿言至尊猶在此我輩草木沙土
也又何足道，上皇令銘控馬左右行過溝河山崖銘下馬
掖持，上皇入城，上皇入城，上皇入城，上皇入城，上皇入城，
昏刺西南赤黑氣如燭須臾化蒼白氣六道北至中天而散



甲子進士鄭和趙蕃楊紹江真知縣楊壽劉豫張禎董英監
生馮敬邱遠韓文陸楨陳安俱為戶部主事專理京師各門
預備糧儲

伯顏帖木兒大同王來護 太上皇道見曰太師誠心送
皇帝回京今另立皇帝諸臣宰背德不一出見故太師怒而
西還今欲到陽和使臣送 皇帝從居庸以歸毋令 皇帝
望見京師思念 皇太后萬一念 皇太后病悸至有不可
知乃使我留惡名萬世也晚至紫荆關卒劉婆兒取水煮飯
銘烹肉納草囊備飢

乙丑出紫荆哈銘請過視其親 上皇曰如何舍我銘曰銘
死不敢他次渾河

曉刺火星犯進賢

丙寅進士姚哲徐瑄監生陳獻練綱趙縉武聰鄭銘孟陽璩


安白瑛為監察御史

出御馬監馬駕戰車

上皇次蔚州

丁卯河間通判萬安為同知

故翰林院侍講劉球贈翰林院學士謚忠愍故永豐知縣鄧



顯贈光祿寺少卿謚恭毅各賜祭立祠
止諸王及永平遼東等援兵

迤北脫、不花王遣使來朝禮部尚書陳循等言宜受使以
間也先從之禮使者加等

中外官民各進馳馬備陣賜鈔幣

戊辰復楊思恭長清知縣

召昌平伯楊洪

上皇次順聖川

己巳長陵衛指揮使廖鏞奏犯山陵大殺掠合葬諡曰

夜大星青白光自天廟流屏星五小星隨之

上皇次陽和也先已攻居庸不下喜寧曰太師云于此送駕
矣忠勇伯把台蔣信曰太師又謂于此送駕是輕也意欲奉
太上皇至其營還求中朝使臣來迎乃成禮耳把台與喜寧
皆胡人故能得下意然把台多所擁護而喜寧好生事時
為下畫計亦數桀驁上皇前無能罪也

庚午工部主事張溥為侍郎


竇授范廣都督僉事

遺下三百騎留涿州遣范廣擊之

國權

正統十四年

三十一



擁 上皇出陽和西行大雪次猫兒庄

辛未勅昌平伯楊洪右都督孫鏜都督僉事范廣陶瑾都指揮張義陳友劉聚以兵五萬分道追下易州洪克總兵官范廣左副總兵瑾友義聚俱叅將

命遣械送官者賞之

上皇發猫兒庄

壬申畿內降胡乘警多胡服恣劫命官軍獲之斬以徇

楊俊寔授都督僉事

楊洪等敗下霸州奪回所掠人畜無算

誅蔚州左衛指揮使魏真以臨陣逃避也

上皇往威寧海子東岸

癸酉勅右副都御史王暹存恤順天昌平等難民許自編伍

勦賊免雜徭三年

勅薊鎮總兵官宗勝以選銳五千付右僉都御史鄒來學都

指揮僉事胡鏞赴京追

徙山東即墨縣陰島社人于陳馬庄時倭出沒海中

慮其登陸也


甲戌脩獻陵景陵供器

戶部右侍郎沈翼兵部右侍郎鄒幹同都指揮湯節督理運

國權

正統十四年

三十二



舡

上皇至下營哈銘為帳有一人欲殺銘竟已

乙亥勅止廣通王徽燂陽宗王徽燂赴京

都指揮僉事李端鎮守天津三衛

塞居庸關西支徑

前江寧主簿王冕言南京馬快舡供送官物一舡散載十餘

舡私攬客貨今後京師易辦之物不必遠取舡朽停造舟人

補伍下工部行之

逮起按江西監察御史胡淵下獄以玩寇也

上皇往西北行曰小黃河東伯顏帖木兒小營在馬伯顏帖

木兒妻使胡女設繡帳止宿供具數日復西行

十一月丁丑朔上皇在漠北下奉益恭殺馬設宴稽首行君

臣禮妻妾四人次第上壽伯顏帖木兒亦與其妻如也先禮


也先七日一獻馬伯顏帖木兒七日一牛日一獻羊馬牛潼

射生則獻野馬黃羊上皇道行或乘馬或坐暖車下男女

途見皆叩馬上時或進生也先時設宴上酒手彈箎撥

思兒唱曲下齊和之大同王賽刊王上酒皆跪曰中國聖人

天之姑也也先請上皇曰今得明遣使來迎皇帝歸矣



上皇曰即若自送我須我使徒往反耳喜寧不悅謂蔣信曰
求急歸者爰彬也合殺之 上皇曰非彬也我自謂也 望入
上御殿頒明年歷 勅荅脫不花王 朝鮮國王李禔入賀
命浙直作甲冑九十餘萬輸邊 戊寅真定安平縣人郭弘諸生郭清等十六人斬下七級獲
甲仗以獻授郭弘判官郭清等授正副巡檢專捕盜
浙江按察僉事陶成為副使

屢犯甘肅外戍皆入城毀舊肅邸為營

濟寧左衛徙臨清改臨清衛轄臨清守禦千戶所

禁私宰耕牛

肅州衛飢月給贍粟一石終今歲


逮右僉都御史段信按察使曹泰錦衣衛指揮王虹監察御

史吳中郭仲曦王晉以失守居庸荆紫關也

福建左右布政使宋彰孫昂左叅政彭森周禮左叅議金敬

徐傑按察使方策副使高敏俱降駙丞副使邵宏譽僉事董

應軫王迪况真提督屯種僉事馬嵩巡視銀場僉事王驥俱




降監課大使以匿賊私備當死成遇赦也
已卯指揮同知石彪搜下于真定保定
諭祭安鄉伯張安

設遷曰廣州大都會也黃蕭養不過鬼脫烏合之餘攻圍
累月張安輩不即救又提軍就道又不設備倉卒酣潰此
與高克棄師何異不追正其罪反祭賻焉君賞臣偷宗伯
于是乎失經矣

庚辰諭都察院肅朝儀
獲下謀三人其二喜寧蒼頭一指揮使安孟哥故忠勇伯把

台麾下也下謀明春入寇遣之窺我且啖孟哥約都指揮石
連台等內應下法司伏誅籍喜寧家置把台家于不問以安
降胡心
侍講吳節上邊務十事明賞罰料下情定遠謀耀兵威謹和
議勤政務固根本護陵寢安民心獎死事士上是之
夜黑雲衡五尺東西亘天
辛巳平江伯陳豫掌前軍都督府
增畿內巡按御史各二郡

壬午進寧陽侯陳懋太保進平江伯陳豫平江侯都督僉事



董興為都督同知刑部尚書金濂兼太子賓客

增廣東潮州府通判一

戶部左侍郎署光祿寺事李亨致仕亨附王振黨被劾會赦
不問

癸未刑部尚書金濂改戶部右都御史俞士悅改刑部尚書

召左都御史陳鎰回院副都御史王暹撫安軍民

鎮遠侯顧興祖為左軍都督同知 劉安為右軍都督

同知劉聚為中軍署都督僉事同羅通楊俊脩塞關隘

福建都指揮僉事蔣貴徐信張凱閔忠俱失事降所鎮撫

甲申詔天下曰大兄太上皇帝鑾輿未復方興兵數十萬問

罪于下請彼迎復悉衆城下朕遣大臣出迓徧歷營中失

駕所在乃焚書斬使擣之六軍斬獲甚盛京城內外人心帖

然用告天下以彰殺伐之威


戶部右侍郎劉璉為左侍郎右副都御史羅亨信為左副都

御史

乙酉都督同知郭登為右都督都督僉事紀廣方善張斌王

禎張泰為都督同知署都督僉事王斌為都督僉事都指揮

使杜忠丁信為署都督僉事俱邊功初登從鴈門入援先馳



蠟書胡馬長驅三關失險賊留連內地為患非輕臣悉起兵
壯入護闕廷使賊有腹背受敵之患首尾不救之虞忠誠切
已敢忘報國之心成敗在天不負為臣之節
徵朝鮮馬三萬給之直
太常寺少卿習嘉言上言孝弟慈愛人道所先推以化成天
下虞氏之為政也 太上未還 皇太后宮中豈能紓樹護
之憂割懸旌之心願 陛下朝夕倦口不釋迎復語 皇
太子幼冲不時存問孝弟慈愛昭著內外自然天下之人有
所感動以濟大功

免遣京官宴送廣東夷使初暹羅取哇占城諸貢使還廣東
例傳送

丙戌寧陽侯陳懋進幼閹百有八人

丁亥涼州副總兵都督僉事王敬為平羗將軍總兵官鎮守
甘肅代任禮

密雲中衛指揮僉事張興為署都指揮僉事分守古北口監
察御史張斌協贊軍務


詔有司脩城堡

宣府右叅將都督僉事紀廣敗 三百餘騎于神峪口

國權

正統十四年

三七



晚刺金星犯亢宿

戊子進金濂太子太保

今總兵把總等官值操期免其朝參

弘教翊善國師簇克林巴卒弟劉思巴藏求罷不許俟番僧

立効者

已丑昌平伯楊洪進封侯

行人趙訪為江西道監察御史

免順天河間明年藥材紙札

召致仕刑部右侍郎何文淵命昌平侯楊洪都督楊俊留京

師召守居庸關副都御史劉通回朝叅贊楊洪軍務棟循等

薦之

召商中監淮浙長蘆納草

庚寅都指揮使丁信仍都督僉事

鄧茂七偽黨吳繼昊等四百餘人伏誅

辛卯都督同知王通率兵往天壽山提督三衛護陵

左都督毛福壽為左副總兵兵科給事中劉清叅贊軍務選


河間東昌胡騎勦湖南長州賊

叅贊雲南軍務兵部左侍郎侯璉往貴州總督軍務雲南按

國權

正統十四年

三六



察副使鄭顯參贊雲南軍務湖廣都指揮同知馬晔克恭將
提督靖州等處官軍都指揮僉事安順李震俱充參將聽王
驥節制

命都察院考覈回道御史

都督僉事范雄鎮守福建代崇信伯費釗

增給納草價錢

少保兵部尚書言留楊洪等京師則宣府肩寒可慮兵

于謙

科給事中葉盛言今日之事邊關為急向令獨石馬營不棄

則六師何以臨土木紫荆白羊不破則騎何以薄都城由

是觀之邊關不固則京城雖堅守不過僅保九門其他如陵
寢郊社何其如田野之民荼毒何宜固守宣府居庸關為便
上從之

壬戌停順天河間真定保定隆慶保安益銀鈔


寧夏總兵官張泰等改造小戰車初戰車每輛馬七匹寧夏

多溝渠妨駕易小車用馬一

上皇至瓦剌老營

癸巳指揮同知石彪為署都指揮僉事

光祿寺奉旨仍附錄文簿故事諸司奉旨具覆光祿寺則否



自李亨得罪謂矯旨日給王振酒饌于是每事具覆光祿寺

卿齊整以事冗碎乞仍附錄從之

曉刺月犯五諸侯

上皇至蘇武廟

甲午刑部郎中祝暹陸矩山西按察僉事蕭啟俱為右僉都

御史

右都督朱謙為左都督鎮朔將軍總兵官都督同知紀廣都

督僉事楊俊為左右叅將俱鎮守宣府

乙未刑部右侍郎耿九疇招撫鳳陽等處流民賑濟免徭役

三年仍兵督捕盜吏科都給事中張固同右副都御史王來

往裕州兵科都給事中葉盛往陳州勅如九疇

處州降賊陳鑑湖伏誅鑑湖戍留守衛乘寇私逃被獲

曉刺火星犯亢宿

丙申右僉都御史王茲都指揮同知夏忠署都指揮僉事魯

瑄鎮守居庸關

丁酉陳涇嗣泰寧侯

陳瀛之弟


右僉都御史蕭啟祝暹陸矩都指揮僉事董宸趙瑄葛旺鎮

守河間保定真定

國權

正統十四年

早



召鎮守居庸關都指揮同知趙政
總兵官昌平侯楊洪言今順天真定保定河間永平遇警督
鄉民入城移通州河上倉粟一千九百餘萬石運貯通州城
從之

戊戌徵廣西江西廣東兵援廣州

己亥廣西右布政司孫日良為右副都御史鎮守臨清
增真定各州判官各縣丞

辛丑大星一赤光自五帝座流太微東垣一青白光燭地自
天梧流天津

壬寅令定州衛達官廣義伯吳玘等率部兵赴京

增河道巡督御史自通州至南京舊二人至是四人


山陰守禦千戶所周瑄等奏三千餘騎掠代州扼關守雪


深不得出因掠繁峙諸縣夜襲斬七人獲械畜若干糧若干
陞賞有差

癸卯河南都指揮僉事黃信赴延綏不進下獄死

命太常寺往視滕懷王衛恭王蘄獻王越靖王諸墓以下掠
其供具也

大同守備都指揮同知許貴為都指揮使





初順天府尹于立春進春牛春花于帝及兩宮者至各飾

金銀珠翠直錢九萬餘至是宛平人告匱其春花乞時卉從之

甲辰陳輔嗣平鄉伯陳懷之子

應天府丞蔡錫為大理寺卿巡撫湖廣翰林院修撰王振為

大理寺丞巡撫青州

錦衣衛指揮僉事季鐸監察御史秦顯王璧巡視居庸山海

紫荆等關

翰林侍講倪謙刑科給事中司馬恂頒詔朝鮮

免順天河間保定真定水旱田租

乙巳陝西按察副使劉廣衡為右布政使

故事冬至後至立春日賜殿直將軍甲士頭腦酒至是帑詘

罷之

丙午祭故守白羊口布通政使謝澤

尚寶司丞夏瑄上言四方多事水旱蝗蝻民流離他鄉填死

溝壑者無算才遺幸存恐意外不測之憂願陛下降詔省

躬令大臣撫安勞來之經兵燹者復其家存恤流民開義倉

罷不急助牛種贖鬻子任循良斥貪酷則民志定矣湖貴苗

寇始于麓川之兵又生熟苗爭田有司受賂邊將侵削奸民

漏師致其猖獗兵數失利蠻地不毛得不足益棄損足損非
福建廣東之沃庶也 陛下軫中土之疲毋塵民于遠允邊
苗僻遠之地非我受害給其苗長免賦役如洪武例仍就立
宣慰等官統之無南顧之憂可專制北也 上大是之
也先擁 上皇轉西行至八寶山喜寧曰從此還到甘州城
使其守將迎入即轉入陝西取陝西騎卒以入南京遂居于
南京袁彬哈銘侯喜寧去白 上皇曰天寒甚 陛下又能
騎空取凍冷到時守將亦必不受 上皇曰是也寧曰此又
哈銘計直殺銘耳 上皇道渴覓陽泉鑿冰進水哈銘求


車一輛駱駝一隻展猶皮褥坐 上皇車中伯顏帖木兒所
畜胡奴竊 上皇物喜寧聞 上皇使銘往索之銘曰我今
方困索彼盜物如虎口奪食徒生怨耳 上皇怒使袁彬鞭
銘鞭已叩謝 上皇曰鞭何謝也銘曰臣棄父母兄弟妻子
而從 陛下尚誰攀耶

十二月丁未朔 上皇在漠北

召河南右布政使丁鑑安陸知州陳詢

夜火星犯氐宿

戊申詔更定天統歷初天文生馮軾乞改歷欽天監正許惇



等言正統間監生彭德清于北京觀象臺較之南京北極出地上高三丈南極入地下卑三丈冬至晝短三刻夏至晝長三刻奏為永制上曰日出入度數驗在四方京師未足準也今後歷悉如洪武永樂故事
永清縣達官家字羅導亂伏誅
夜大星青白光燭地自太乙旁發光如斗流天市西垣四小星隨之
已酉安遠侯柳溥掌神機營
庚戌尊皇太后為上聖皇太后

監生張誠為雲南道監察御史

吏部尚書趙新巡撫江北左副都御史洪英巡撫山東

宣府亡卒孟晉原妄自謂紫微星當天子被誅

夜大星赤光燭地自貫索流天市


辛亥戶部右侍郎儲懋調禮部

靖遠伯王驥為平蠻將軍總兵官勦貴州苗代都督宮聚還

京時貴州諸夷叛四川行都司都指揮僉事張祥來援至赤

城大捷會大雨水賊乘間攻我追戰二十里至清水鋪力瘁

死立祠



都督同知董興為左副總兵率江西兩廣官軍勦廣東賊都督僉事陶瑾鎮守處州

錦衣衛正千戶盧忠為指揮僉事

勅諭朵顏等三衛頭目毋誘于北下有虧臣節倘北下犯邊先馳報協討

大理寺右寺丞王振改名恂

也先自率眾掠寧夏踰月還

壬子諭都察院榜示中外各官出入儀從水陸駟傳私載需之禁

遼東百戶施帶兒俘于下通鎮守太監亦失哈潛歸巡撫山

東御史劉孜收斬之因劾亦失哈海西種當下犯廣寧禁不得擊多收蒼頭隱占軍餘佃戶數百宜罪上上不問

曉刻彗見天市

癸丑尊母賢妃吳氏為皇太后

監察御史陳价等巡河南山東畿內覈逃兵赴京


曉刻彗見尾宿色蒼白芒尺餘

甲寅封妃汪氏為皇后皇太子母周氏為貴妃

勅居庸關宣府大同諸將聞下又稱送駕寔來伺邊宜堅守

國權 正統十四年

四十五



毋墮其計如喜寧隨至即誘殺之

左副都御史楊善為右都御史仍署鴻臚寺

命閔隘詰逃民遣送復業

乙卯曉刻彗見尾度芒二尺餘乙亥夜滅

丙辰 兩宮禮成詔赦

復倪冕延平府通判

丁巳都督僉事范廣衛穎陶瑾為都督同知

右僉都御史青田陳詔同都督同知陶瑾往處州治盜

勅貴州宣慰使安隴富遣兵助討叛苗

定親王郡王妃薨儀賓卒止遣中官及守臣致祭不遣行人

從行人陳浩之請

夜月犯昴宿

戊午宣府右叅將都督僉事楊俊仍領開平馬營等兵

昌平增廣生馬孝祖上四事養聖心隆大臣戒游食恤臣下

上是之

己未庶吉士李瓚尹旻為吏刑科給事中


分將統領京營武清侯石亨昌平侯楊洪安遠侯柳溥各領

營都督范廣孫鏜過興副之選銳三千人為游兵從少保于

國權

正統十四年

四




謙之請

吏部聽選知縣黎近上四事勤日講築營城急入保行間諜
慎刑獄時賜廷獻 上是之
工科給事中陳宜言京寺國師刺麻番僧日費光祿寺供具
宜止給米薪順天府每立春年節元夕預作土牛門神桃符
紙燈分送各官其費甚夥悉宜停止從之
夜月犯五諸侯

庚申大同總兵官右都督郭登上言今日之勢可養銳不可
浪戰可用智不可力爭紫荆關等隘選銳據險其涑水易州
真定保定之鄉積柴駕炮使烽烟相望仍列騎馳報小警則
一烽一砲大警則三烽三砲悉斂人畜入城京軍犄角堅壁
固守多張旗幟或夜砲示劫或晝鼓示戰彼動我休彼勞我
逸彼求戰不得人有倦心不出旬日自走矣然後別選精騎
或邀險或躡後勿求偉勝務出萬全此所謂不戰而屈人兵
也 上嘉納之登始至鎮兵不滿千馬才百匹登各城門外
造木柵設甯募銳士身督之士氣漸振

禮部右侍郎章瑾前下獄例輸贖不即納會赦遽自引謝御
史復論其挾詐仍未減降秩瑾恚甚出獄三日死



辛酉工科給事中陳宜為應天府丞
令翰林院五經博士典籍侍書待詔俱教官陞補以陳循等
言侍從闕負也

杭州右衛指揮使許壽為署都指揮僉事鎮守温州及巡視
福建政和縣銀坑

令桂林中右二衛選花牌軍百五十人赴京教神機營安遠
侯柳溥言廣西花牌之利

壬戌增湖廣廣東廣西右叅政福建雲南貴州四川右叅議
湖廣廣東廣西副使四川福建雲南貴州僉事各一

癸亥都指揮同知翁信鎮守山西及提督守備鴈門關都督

僉事孫安還京

六百餘騎攻大同官軍禦卻之又千餘騎南行命備之

甲子禮科給事中李實下獄初實言儀真五壩通漕為朝廷


命宜重臣鎮守且請按察使孔文英內轉工部謂土壩事微

又擅轉外臣遂逮論贖還

乙丑書止代王任壘求遷汝寧

右副都御史羅通回院仍叅贊軍務

南畿歲貢生俱肄業北監著為令



戶科都給事中李素為光祿寺少卿

懷遠衛指揮使陸祥往真定保定搜代石彪

戊辰翰林脩撰商輅彭時為侍讀直閣庶吉士萬安劉吉劉

珣李泰為編修邢讓李本為檢討

庚午賑延平建寧等兵災

辛未右都御史王文為左都御史仍鎮守陝西

兵部以脫不花王阿刺知院兵在開平環州威諸塞外

遣尖夜二百人往襲杜其入犯人各賜一金及裘帽

廣西徭賊掠雷白縣

夜金木星會尾宿

壬申兵科給事中劉斌言為政莫先于得人得人必自大臣

始乞慎其選之有三曰德曰量曰才其責又在吏部乞簡

御史會巡撫等官察有司庸奸貪酷考斥削有差至于養兵

草積弊復祖制選死士五千人專任前鋒長刀斫馬足不

難勝也恤窮民明賞罰理冤抑俱今日急務上從之

雲南金齒軍民指揮使司知事袁敏上言 太上皇帝曩居


九重之上所服袞綉所食珍饈所居瑤瑤之宮芙蓉之闕今

遠處沙漠日之窮次歲且更始凡有人心孰不思痛臣聞主

國權


正統十四年

四九



辱臣死 上皇辱至是為人臣子朝夕思念碎骨剜心乞遣
人起居將奉禦寒衣具若飲食之物或就令臣同道事人伴
齋送臣雖死亦所甘心 上從之
雲南五井鹽課提舉司吏目胡仲倫上言今日之事可屈者
一不可屈者七漢高帝款單于妻以公主可屈者一也萬乘
墮不可一也假和弛我備不可二結親自尊不可三索金
帛坐困不可四稱送駕克我閔隘不可五偏 上皇手詔賺
城不可六欲求山後地不可七七若從其一大事去矣 陛
下宜念宗社之重固守宣大伏兵守險如果送 駕許其自

來勅楊洪邀其歸路則 駕可還若欲不戰而非臣所敢
知也恐大羊之性自古無能誠結之也 上大是之
廣東都指揮僉事徐瑄初征廣西以黃蕭養等攻南海縣等
奉檄援之不即進被劾俟後命
夜大星黃赤光燭地自中台流太微西垣三小星隨之
癸酉右都御史王來巡撫河南并襄陽黃州
鎮守松潘都指揮僉事高廣為都指揮同知
浙江都指揮僉事王謙總督官軍備倭
錄福建土人從征功巡檢吳保為縣丞許鑑為主簿諸生吳



祐林莖為主簿羅珙陳紀布衣陳本張興黃本常王真保盧
得成林顯祖林普兒范永福饒以興陳琪李森陳斌陳秉原
方贊任俱為巡檢


卜數十騎犯驢鞍嶺

乙亥廣州圍三月餘不解 上責右僉都御史楊信民緩兵
促左副總兵都督同知董興亟往討

上皇在卜營令袁彬草書致 上及羣臣謂宗社為重練兵
固守毋多慮朕自有歸日也時卜嘗夜見御幄有光若雲騰
大異之也先請尚妹 上皇固卻之袁彬辭以返國而聘處


君益莊卜 大敬服 是年南京侍講學士周叙遺吏部尚書

王直書曰永樂宣德間嘗仰望少師東里先生嘗跡其舉措
究其底裏士大夫公論不容掩也易曰知幾其神乎書曰慎
終于始又曰惟克果斷乃罔后艱竊思三楊輔政之初一幾
也不深思熟慮身任其責惟陽斂陰施掩人耳目雖曰自保
其實悞國故致今歲七月之禍此時先生與諸君子輔政之
初又一幾也宜鑒覆轍為宗社生靈永遠之謀失今不圖噬
臍莫及豈即得效子房之從赤松晉公之營綠野乎叙官至
學士又冒應宋史之脩倘不即死成此一事竊名穹壤間他



富貴皆無所望所念者國家安則民皆安叙輩亦可偷生畢
其素志今歲以來因朝廷屬為更張事不敢避禍屢有所陳
未審朝議以為可採否自是以往亦不敢瀆告一語矣
是月棄東勝州○嚴從簡曰此我朝不復四郡之寶也蓋嘗
論之有二失焉洪熙宣德之間玩常而不思不變景泰天順
之際守近而不謀其遠由是偏頭隣于犬羊而全晉以北單
矣豈惟全晉五原雲中趙武靈所欲下甲咸陽者也此而不
守則右臂斷全陝危矣可惜甚哉少保公極力于獨石而不
注懷于東勝其意何也

十四
年終



辛卯免山西榆次縣災租

卜犯懷來麻峪口永寧荆子村

夜月犯雲雨西南星

壬辰命右副都御史羅通鎮守山西初兵部于謙恐山西搖

動擇大臣鎮之昌平侯楊洪乞文武大臣自鴈門關護運大

同俱委通通不欲行疏刺二臣上不聽

卜七騎潛入棒槌峪切責白羊口守備都指揮僉事段昇命

加意捕之


甲午城山東臨清

國權

景泰元年

四

國家圖書館, NATIONAL CENTRAL LIBRARY, TAIWAN, R.O.C.



分將守都門石亨楊洪柳溥張軌孫鏜衛顛過興張義雷通
劉得新陳友李全王瑛崔福劉鑑張通每營二萬餘人俱土
城內外

草大臣舉保御史從各道監察御史張子初等之言

蠲貴州宣慰司田租萬三千二百六十餘石

乙未免金華溫處戶口食鹽鈔山西

瓦剌阿剌知院遣叅政完者脫歡等五人至懷來求赴京進

貢許之

丙申勅右都督楊俊率兵京軍五千巡涿易保定真定定州

都指揮僉事石彪為游擊將軍都指揮同知署都督僉事巡

太原平陽

復長福渾源州判官食從六品俸

命福建都指揮僉事蕭華回軍勦慶元等縣賊

築江南丹陽決隄

丁酉勅守備威遠衛指揮使儲瑾為都指揮僉事以賞其卻

之功


戊戌完者脫歡入朝

太常寺少常章文為南京太常寺卿

國權

景泰元年

四十一



免濟南災租十四萬四千八百五十三石

萊陽人執知縣牛俊翹京掠其貲辱其孥命俱戍鉄嶺衛

已亥禮科都給事中李實為禮部右侍郎大理寺右寺丞羅

綺為左寺丞將使瓦剌

庚子李瑾嗣襄城伯 李珍之弟

肅府儀衛司餘丁聊讓上言宋宗澤岳飛為將胡人不敢呼

鳴韓琦范仲淹當道西賊聞之破胆令訪智術才能之士布

滿朝則上可旦夕馴也又痛抑宦寺旌直言夷寇邊則

嚴拒之不必窮追彼來歸則宴賞遣之不可留居中國上

深然之

辛丑少保于謙言使請和而關邊窺伺自如兵法曰無約

而請和者謀也况也先狡假和緩我備而別部攻襲關隘侵

犯京畿上是之勅各邊嚴備


壬寅也先使臣哈丹納察罕至大同求赴京命李實賫賞付

而止之

廣東布政使右叅政郭循卒循江西廬陵人進士授刑部主

事有盛稱宣德時拓西內循極諫不可擅褻至大內詰之不

屈射傷其顱流血下錦衣獄正德初釋進郎中薦陟廣東值



寇亂有勦捕功

七月癸卯朔 上皇在漠北

遣禮部右侍郎李實大理寺右少卿羅綺指揮使馬顯偕完者脫歡使瓦剌勅脫不花王曰我國家于可汗恩意良厚往年奸臣減賞遂失大義今各邊尚殺掠朕欲命師念上天之赤子可汗殺華人朕亦殺胡人與自殺之何益近知院奏約束各部深合朕心特報可汗以副天心勅太師也先曰阿剌使來議和而近邊尚劫掠是情與詞異朕不惜大戰但害生靈故特諭此意又勅阿剌并遺可汗及也先阿剌各百金

織金文綺八具知院帖木兒以下給賜有差時勅不及迎復事李實驚白內閣太監興安詔曰爾第奉黃紙以行他何與焉 脫不花王遣使臣皮兒馬黑麻入貢

蠲江西廬陵災租


甲辰故都督宮聚王喜張斌降指揮僉事

丙午故信國公湯和曾孫亂勳為錦衣百戶

減內府酒醋麵局廚役百五十人

丁未夜大星赤色自昶宿流天園

己酉復王學古信豐知縣趙應浮梁知縣食從六品俸



南京太常寺卿徐初致仕寺丞馮必政削籍初南京災異迭見科給事中林聰等劾初年衰必政為妖婦焦奉真也邪佞進身當斥吏部覆奏從之初永樂間仙女焦奉真薦母舅馮仲彛為太常寺丞仲彛卒又薦其孫必政為真武廟官尋授贊禮郎正統十二年仙女又乞陞進寺丞

沈德符曰此女之果仙與否不可知然歷事四朝屢祈恩澤有求必允比必有深當聖心者意南唐耿先生之流與

庚戌初忠勇伯蔣信本名把台從土木陷屬賽罕王帳下至是

故部曲伯顏答里從皮兒馬黑麻入京告少保于謙曰把台

心在南特無路耳謙奏把台列爵受祿一旦悖德曲全其家不加孥僇把台未必知之况用間者勝道也宜令伯顏答里北還密諭把台使知家屬無恙或殺也先來歸即授王爵必不吝從之


辛丑獄驛聞壩等官在南北畿各赴南北吏部考復

減慶元縣歲辦課鈔

貴州賊阿趙偽稱趙王掠清平等衛總督侯璉擒入京伏誅

壬子巡撫直隸大理寺少卿李奎予告

皮兒馬黑麻語我館伴曰關外十四城皆為我困昨阿刺知



院議和尚遣朝使今可汗及也先遣我必須大臣往報否則
無濟尚書胡濙等以聞下廷議吏部尚書王直等請遣使
上曰李寶等方行俟其還酌之

甲寅金山衛指揮同知侯端為署都指揮僉事

國子監助教劉翔言 祖宗制作寢備惟慶成之宴視樂之
儀釋奠之祭雅樂未作宜勅儒臣撰詩協之律呂如古靈臺
辟雍清廟湛露之樂至春祭學祭贊相急促首唱升壇亦甚
無謂夫既廟則非壇壇矣又樂器列露臺之上使堂上堂下
之樂混于舞列非禮也乞改正為四方式初幸學釋奠皆不

設樂慶成宴惟教坊供奉春秋奏大成雅樂倏鳴倏止殊促
密不成聲翔雖言之迄不能用


翰林侍講吳節劉定之主試應天

丁巳太常寺少卿趙榮為工部右侍郎

脩江南江都儀真圩壩卹災民

旌表陵王庶長子鎮國將軍範址孝行

庚申右都御史楊善工部右侍郎趙榮都指揮同知王恩錦
衣衛正千戶湯胤勳使瓦剌借皮兒馬黑麻以往禮部尚書
胡濙等請量賫服食御用 太上所需不報



夜天鳴

辛酉命湖廣四川雲南等省罪人赴貴州納贖時苗敗攻龍里等衛

募商中鹽廣西糴米儲餉


令南畿湖廣浙江江西罪戍補伍貴州

免海州安東鹽城水災田租四萬三千五百九十石

除邯鄲縣旱災田租


癸亥禮部右侍郎李寶等至自瓦剌寶等入也先營也先問侍郎何為來寶曰自太師祖父至今朝貢中朝三十餘年矣

使臣進馬中朝好待減少馬價皆奸臣王振為之乃致動兵
淹 駕今瓦剌知院以可汗太師之命特遣叅政求和 皇
帝所以使我來也也先曰減馬價奸臣為之我誠欲歸 皇
帝中朝不迎我使張閔保岳謙又殺之何也寶曰太師漫山
而來不由閔道從人作寇復分寇諸閔保謙名為使臣引
卜張弓矢輒鬪殺中朝 皇帝不能無疑于太師也曰此不
過送駕為詞耳也先曰我遣者盈不花二人則又何故殺之
我是以有寧夏之役寶曰沿邊閔口多者十餘萬少者亦不
下二三萬人太師向日南侵其父兄死焉今其報者皆子弟




也此亦人情且太師所遣若無南使同行或為兀良哈所害
或為邊卒所殺又烏得知之軍中割一首不陞官即得賞亦
何知殺太師之所遣人也也先曰我遣李貴又不還何也實
曰無有李貴既曰我知之矣近者夜不收言大同城東八里
殺屍四十餘一屍探其囊謀云太師所遣人邊軍畏不敢
上聞此必貴也太師遣貴賫文書而已朝廷又不知若叅政
等來朝廷知之重賞厚待特遣我報命豈殺之耶也先曰我
遣喜寧何故殺之實曰喜寧中朝罪人也自幼及長層累蒙
恩令賫金帛以迎 上皇腹心託之乃引領太師入寇京師

復寇寧夏朝廷殺之戒不忠也也先曰 大明皇帝我仇人
也天落我手或教我殺害不之聽使得知院朝夕恭敬若我
落中朝不知處所矣實曰此太師德然皇帝于太師亦何仇
焉也先曰侍郎來甚善不我又大舉矣因治酒餉馬與之行
三十里至伯顏帖木兒營朝 上皇上皇皮帳布帟席地而
寢獨袁彬等三人侍傍牛車一輛馬一以備從營起居畢實
等泣 上皇亦泣曰為天下生靈躬獎六軍不意被陳友王
振等所陷念非樂酒從獸以至於此也也先送我固其心喜
寧導行引破紫荊關再圍京城以此不得還歸後嘗一到小



黃河一到乾河又復阻也先送我振寧死矣陳友罪不可赦也回問及三宮安否問舊臣一一道其名氏又來何操寶頓首以通問無所將上皇曰它亡論第語官家迎我歸守園陵耳寶曰臣誠痛陛下昔日錦衣玉食今至惡陋輒有白絮數升欲進御上皇曰此小節耳朕念歸也寶曰昔王振一官寺陛下何過寵之以至今日上皇曰我亦知之當時人皆不言今乃罪我悔何及寶退歸也先營也先殺馬為酒令十餘人彈琵琶吹竽兒按拍歡歌其妻珠琲覆面傅酒歌舞為笑樂也先曰侍郎來時心無恐與寶曰何恐之有

通使講和禮也太師營中即我一家也先曰侍郎見上皇心無念與曰有不念耶我等之念上皇猶太師之念可汗也也先曰念則曷不迎寶曰朝廷四遣金帛矣太師不發也即與我迎歸相勞故不薄也先曰上皇留此我固不得皇帝之我欲留千載後名一好男子今送上皇還矣顧侍郎奉勅初不及迎事皇帝歸故不可歸侍郎往可請今上皇遣一太監或老臣三五人以禮至上皇歸也寶復朝辭上皇請及國之日引咎避位上皇嘉之日暮上皇情色悽然也先遣其酋與羅綺往山西大同徵回胡騎以示信語




寶迎駕期寶曰臣子不敢自為期需朝命辭還伯顏帖木兒
指也先幼子曰此議姻尚主者也寶不敢對也先遣右丞把
禿與俱來貢貂馬時邊儲一空使臣至闕始命光祿寺供具
至懷來居庸又給百金寶還朝具述上情及上皇起居狀
寧陽侯陳懋吏部尚書王直等言臣等共詢李寶言出塞道
中行群下聞欲議和皆舉手加額及見也先殊喜言迎使夕
來大駕朝發天日在上決非妄言引見上皇亦謂上信
上皇凄切不忍之情寶又具道臣等切詳下人悔過請和寶
天地宗社之福宜仍遣寶詣上迎復上曰上詐楊善已去

弟以迎復之意書勅付使足矣
勅大同宣府遼東甘肅諸總兵以下八月內還駕或誘陷邊
城毋墮其計

減直隸良鄉縣歲課之半

遣辦事官趣各鎮守撫按錄囚論報

乙丑寧陽侯陳懋吏部尚書王直等言下非詐也臣等詢李
寶詳矣下使來和尚遣使答今請迎復乃不與偕則是輕迎
駕重講和也下之復疑和且不終不迎駕歸何以和為上
未決令再議



初大同館北使于東關禮接豐潔至是兵燹改後館宣府

裁廣南府流官同知知事檢校

丁卯復李敏應天府尹食二品俸

薛輔嗣永順伯

薛綬子

陝西行都司帶俸都指揮使李榮為署都督僉事

禮部右侍郎李實言也先約臣迎駕毋過八月五日臣言須

得朝旨不敢擅為期也先言此期決不可失遂令酋長同羅

綺往大同諸邊回調侵騎臣還過宣府懷來見軍民出敢出

郊芻牧誠非空言臣曩將命止為講和迎復日期實出也先

伏望 陛下俯從群請即遣大臣往脫有詐亦可塞之若

過所期更欲使臣亦不敢往 上命再議把禿還竟勅付之

果還 駕即楊善等迎回

寧陽侯陳懋吏部尚書王直等復言事會不再機不可緩願


陛下體 上皇之心順臣民之情不然人指此為兵端矣

乃命擇人以聞群臣皆言李實方從來得其要領即實不

再 上竟不遣曰待楊善歸

監察御史畢鸞等言群臣之情切矣 陛下必待楊善歸夫

中國所恃者信義也不迎不義失詞不信就令詐我備在



也不報

戊辰禁邊城毋徵私負

命御史出遣仍歲代初四方多事或銜命二三年至是左通

政樂憚言之

募吏自臨清運米三百石代如州給冠帶

已已翰林檢討邢讓上言 陛下所不遣使迎復者豈非以

卜為不信與審以卜不足信則前者不必講和矣我所以足

和為迎 上皇也不迎而和將安圖哉天下事成敗勢也當

為理也卜不足信勢不可知 陛下迎復理則當為 陛下

于 上皇君也兄也 陛下從群臣請仍遣李寶往迎 駕

之歸否未可知而 陛下愛君篤兄心已著于天下矣兵家

之曲老直壯 上皇不迎彼藉為辭假大義而入寇臣不敢

謂我直也被許我迎顧復無實曲乃在彼厲兵秣馬以興問


罪我則壯矣 陛下若以卜使既行事難再舉請急追還遣

實同之追而不及使實自行卜人聞之且曰中朝迎復信矣

所重遣使或者遲回觀我誠否則 上皇迎歸固自可期也

上曰 上皇朕兄豈有不迎卜情叵測正欲探之情誠而迎


又何暮焉廷臣累言之矣朕所不報其意如此



減廣西慶遠柳州鬱林天河柳城洛容馬平宜山獐民田租
之半蠲積逋賑其饑


左都御史楊善等抵瓦剌七先獵木見其館伴田甲來飲帳
中田甲故漢人見善具叙平生問向者土木之師中國胡怯
也善曰當是時六師之勁悉南征而太監王振欲邀太上
至故里一不為戰備故輕以卒予敵雖然汝家勝我亦非福
也田甲曰何者善曰今南征之士悉歸可二十萬而又募中
外材官技擊得三十萬思一大創汝家不吝官封爵賞汝家
得晏然如曩時哉有告 皇帝曰 馳坂踰陘所恃馬若隱

鐵檝鑿置銳錐三尺可穿馬蹄勝蒺藜渠荅 皇帝曰善使
治鐵檝銳錐有告 皇帝曰銅銳裝石砲傷人馬一而已毋
裝如雞子石約一斗火之可疾迸數丈許擊死多 皇帝曰
善使裝雞子石砲有告 皇帝曰廣西四川窮山蠻獠多置
機子弩射虎豹毒藥傅箭首人馬皮肉立潰爛 皇帝曰善
使求射虎豹傳弓弩之毒藥選能射者三萬人習之又有告
皇帝曰今火鎗門四層放已乃藥 入有間馬突無隙若為
兩頭銃裝鉄彈數枚毒藥附彈若一馬來齊發之可知風雨
皇帝曰善使造兩頭銃四門藥試之三百步外馬腹穿今中



國之騎皆已精中國之士皆已銳而皆已矣置之無用矣田
甲曰何也曰和議成方且歡飲若兄弟而又何用也明日田
甲還報也先見善坐定善前曰太上皇帝朝太師所使
必三千人歲必再即稚子無弗賚者金帛器服絡繹載道而
太師乃背盟好而見攻何也也先曰何削我馬價又予我帛
時有剪裂幅不足者我是以南耳善曰非故削馬價也太師
之馬歲益增價亦不繼而不忍拒是以微損之太師自度價
所得比前孰多也先曰者其稱者漢語是也善復曰帛有一
二剪裂幅不足者諸通事為之也事露而誅矣即太師所使

進馬有劣弱而貂皮敝豈太師意耶也先又曰者善曰曰太
師之攻我兩矣所磔殺剝剔以數十萬計而太師之部曲寧
無有血吾刃者上天好生太師獨好殺天是以數有雷警今
者能奉太上歸我和好不絕器幣溢于宮廬而黎庶彼此俱
逸不亦快乎也先益喜曰者者曰謂善曰歸而太上皇帝
有重寶來購乎善曰太師得重寶而歸我太上皇帝天下
後世謂太師貪重寶也歸我太上皇帝而不索重寶天下
後世以太師貴信義而賤貪黷令名奕々何況我之德太師
無已而重寶以漸繼也也先笑曰者者都御史好為之



庚午七先引楊善見 上皇善再拜進醪稱問起居侍立不
敢坐七先數目 上皇上皇謂善曰太師與汝坐則坐善頓
首辭曰雖草野不敢廢臣禮七先嚙指謂其下曰咄、汝曾
中國禮乃若此
辛未伯顏帖木兒設宴餞 上皇錦衣千戶湯亂勳嘗從帳
中朗誦其所著平胡論館伴目攝之曰彼髯何為哉恨不殺
之耳七先餞 上皇自彈琵琶其妻奉酒
夜大星青白光燭地自雲雨流匏瓜
是月右都御史王來率兵抵長州

秋八月壬申朔 上皇在漠北


水西頭目阿忽阿堆阿五阿體加納阿遣六家乞降附許之
直文華殿照磨任道遜朱奎凌敬汪景昂直御用監序班嚴
璟千信俱能書授中書舍人
左副都御史馬昂致仕
苗賊掠淑浦沅州總兵官梁瑄遣兵敗之擒渠帥十七人斬
五百餘級

七先伯顏帖木兒餞左都御史楊善等 上皇將行七先築
土臺坐 上皇臺上率妻妾各酋長膜拜獻鞍馬貂銀二鼠

國權

景泰元年

五十四



皮祆弓矢賽刊王亦打野盤進野 上皇行也先等送可半
日程下馬羅拜伏哭而去伯顏帖木兒獨送至野狐嶺進酒
帳房既畢屏人語使哈銘上奏天使 皇帝來我遐荒我
先順天之意敬事 皇帝一年矣 皇帝此來為天下也為
邊城也歸時還當作 皇帝作皇帝即我主人有緩急我可
得上聞其所部伏道旁進羊馬善口呼 大明皇帝行矣伯
顏帖木兒再送駕出野狐嶺口 上皇攬轡慰藉而與之別
伯顏帖木兒大哭歸而放圍得獐平章昂克射得麋追獻之
甲戌平鄉知縣邱陵為真定知府


丙子減安慶廬州歲辦蘆柴并折色鈔結那天
楚府大冶王李垓薨年二十二謚悼僖
夜大星赤光燭地自室宿流雲中四小星隨之
丁丑免貴州普定興隆等衛屯租
夜月犯房宿大星青白光燭地自閣道流太子旁
戊寅翰林院脩撰周旋為侍讀
江西布政司左叅議夏時為廣西左布政使
城開城縣

山西都司令史賈斌上所編忠義集四卷報聞上言桓帝權

國權

景泰元年

五五




歸官監文宗受制家奴徽欽信用閹寺馴致敗亡 太上皇
帝去國亦由此輩 皇上肇登寶位宜法 高皇帝以為治
事無大小悉徑宸斷寺人專備洒掃凡阿諛者必斥之端本
澄源則天下一新矣臣丁歷代直諫之士與恃寵官官錄成
四卷名曰忠義集乞刊布臣僚必能尚書胡濙言斌離 觀感
役發回原衛

犯遼東總兵官左都督曹義都指揮王祥耿和等追至漣
州斬七級擒四人左叅將胡源又追至鷹湖擒三人斬三級
已卯翰林侍講學士劉鉉侍講陳文主試順天

淮安知府程宗以民舡六十餘艘為太監金英私載且受賂
謫戍遼東

庚辰勅禮部具迎復儀注兵部總戎具防變方略先是累奏
不得旨至是群情欣慰朝下廷議左都御史王文厲聲曰來
耶來耶不索金帛必索土地使謂上皇來耶皆相顧莫
敢言于謙曰防變方略謙之職也胡濙上儀注宜令部堂官
一人至龍虎臺錦衣衛堂官一人并官校執丹陛駕輦至居
庸關各衙門分官迎接土城外 太上皇入安定門東上北
門坐 皇帝見畢群臣朝 太上皇自東上南門入南城大



內 上曰迎居庸用輿一馬二丹陛駕第迎安定門內命禮部左侍郎儲懋至龍虎臺錦衣衛指揮僉事宗鐸至居庸關太常寺少卿許彬迎于宣府戶科給事中劉福等言禮太薄上曰朕之即位非得已也尊稱太上何云薄耶禮部會議之胡濙言福無他意大抵欲 皇上篤厚尊親 上曰朕太上皇自 中寄言迎禮從簡朕敢違也 帝曰朕自 辛巳七先遣五百騎護 上皇入京宿宣府右衛城外 壬午宣府總兵官都督朱謙迎宣府城外初郭登與哈銘曰

夜月犯南斗魁


辛巳七先遣五百騎護

上皇入京宿宣府右衛城外

壬午宣府總兵官都督朱謙迎宣府城外初郭登與哈銘曰

駕若還大同路阻士馬疲乏非所以示強自宣鎮可也

癸未朝退諸大臣得一無名書聚觀之書上脩史先生隱其名言都人一聞駕旋人喜躍近之不厭遠望可知今日宜請 主上厚奉迎之禮避位婉辭然後受命因述唐肅宗故事諸臣曰若封進或可感動 上心胡濙以語同官王直曰可禮失而求諸野王文曰不可匿名書不得以告禮科給事中于泰以聞 上詰濙何從得書濙言臣得之高穀 上怒命按捕其人高穀曰臣隸道拾之千戶龔遂榮出承曰臣為之胡濙曰奏唐天寶之亂玄宗幸蜀肅宗即位靈武尊玄宗



為太上皇帝肅宗收復兩京迎還上皇至咸陽備法駕望賢樓上皇在宮南樓肅宗著紫袍望樓下馬趨進馬舞樓下上皇降樓拊肅宗而泣辭黃袍自為肅宗着之肅宗伏地頓首固辭上皇曰天下人心皆歸于汝使朕得保養餘齡汝之孝也肅宗乃受此已行之令典政可効之良規今備法駕安定門內誠為太簡上曰慮墮詐故簡其禮但大兄入城朕知尊親朕今迎太上皇東安門內叩首畢率群臣從至南城內便殿太上皇升座朕行禮畢群臣皆朝毋再紛更下遂榮獄會赦猶杖之

上皇駐宣府行殿少卿許彬迎駕至彬草詔諭文武群臣曰朕之不明蔽于權奸被留下廷嘗寓書朕弟嗣皇帝位幸天

地祖宗之靈

母后皇帝

憫念之切俾下悔過送朕還京郊社宗廟之禮大事既不可預

國家機務朕弟惟宜爾文武羣臣務悉心以匡其不逮朕到京日迎接之禮悉從簡畧仍命彬諭祭土木陣亡各吏卒甲申翰林侍讀商輅迎于居庸關


時禮部復請迎駕安定門外各衙門分官詣龍虎臺臣民迎土城外會太上皇詔至上曰太上皇命簡朕事已定昏刻金星犯亢

乙酉戶部郎中盧欽督運浙江京糧

國權

景泰元年

五




上皇至居庸關諭侍讀商輅曰朕回京願退閒卿為朕草書
與皇帝并諭文武群臣馬至雙泉賜袁彬白綾衣及七先
所獻戰裙賜哈銘衽褥鞞

總督雲南兵部尚書侯璉卒璉字廷玉山西澤州人永樂甲
辰進士授行人進兵部主事征胡功進郎中從征麓川擢禮
部右侍郎鎮守雲南勦麓川餘逆進兵部左侍郎總督軍務
已尚書屢勤行間受賞賚賜祭壙子爵鷹錦衣衛正千戶
郭子章曰甚矣兵之不易言也古人發兵頭鬚為白豈徒
白頭抑且嘔心候尚書卒于普定張惠安_岳卒于沅州豈

非所謂鞠躬盡瘁死而後已者乎近者播州之役張監軍
棟楊監軍寅秋吳總兵廣俱以賊平病沒嗟乎是苦也惟
同嘗膽者知之耳敵破臣亡誰暇計人苦乎哉

夜大星赤光自建星流尾宿二小星隨之
丙戌上皇還京師至東安門胡騎猶揭簾視候 上迎拜門
內 上皇下馬相持泣各述遜位意良久入南宮群臣隨詣
見勅曰重以眇躬辱國喪師有玷宗廟又何顏見爾群臣乎
不許

李賢曰此事雖由七先累受國恩一念之善不可過向非




使臣負忠義之氣發于言詞應對不窮聳動視聽陰折凶
頑頗開其向善之心則彼未必不猶豫遲留要索重利往
復再三安得一旦慨然無疑以出乘輿于不測之境哉夫
宋屢使奉迎徽欽不得祇見其辱耳嗚呼使臣若此千載
一人而已

劉滌曰 英宗土木之難凡不免矣也先之母告其子曰
吾蘇州人少隨夫戍邊被掠生汝吾念舊臣跪且泣以請
也先從之

王鏊曰 英宗北狩蒙塵十人悔禍旋奉駕歸此自古所

無也 國家國勢之強亦人事有以中其機會是時邲王
監國不欲急君邊人謝之曰中國有主矣十人抱空質而
負大義于天下此所以亟之來歸蓋合鄭公孫申之謀也
魯成公晉執鄭伯公孫申曰我出師以圍許為將改主時
君者晉必歸君故鄭人圍許示晉不急君也晉欒武子曰
鄭人立君我執一人焉何益不如伐鄭而歸其君以求君
于是諸侯伐鄭 伯歸趙王武臣為燕所得張耳陳餘使
往輒殺之欲分趙地牛有廝養卒詣燕壁問燕將曰君知
張耳陳餘何欲燕將曰欲得其王耳卒笑曰君來知此兩




人之欲也耳餘武臣皆一時豪傑姑以少長先生武臣此
兩人者亦欲分趙而王名為求王寔欲燕殺之殺之兩人
分趙自立左提右挈滅燕必矣燕將以為然養卒御趙王
而歸此亦公孫申之意也惜乎宋高宗不知出如此也
趙時春曰國家有天下驅全勝之孽胡紹百王之絕統奮
青邱之神劍還紫宮乎夷庚神武旣布然後聖文聿脩時
則有覆軍殺將而邊圉無尺寸之失蓋嘗皇輿北狩而戎
夷終不敢失君臣之禮信臣精卒畫疆固守虢虎之旅震
發而颺揚于是離伍重明百蠻稽服觀前事之得失觀今

日之功效經武禦戎之大畧斷可識也

王世貞曰己巳之役不急奉迎太上為景帝疵乎不
知太上所以得速還者由不急迎也特不可為訓耳天
位不再社稷為重君為輕千載而下能幾周公哉南城之
奉養不以禮則非也易儲君心也相識也于肅愍一本兵
耳夫不錄其再造之功而以易儲罪肅愍何其忍也


嚴從簡曰太上皇回鑾固天命有在亦人謀之善也當時
苟無于少保折衝禦侮力引社稷為重君為輕之義主戰
不主和則送駕之日已先墮卜穀中和而不就始戰而



不勝則危矣國事已去安望其還駕也且夫宋二帝之不歸由于所請之不已漢太公之得返由于分羹之一言辟之仇敵執大家之質而索之贖大家竟欲棄之待訟而取期于訟之必勝而不期于質之倖還則仇人知留質無益原知不待訟而歸之為恩此也先一隙之明也

高岱曰振一官者 英宗寵之過遂至蒙塵凡七宗社豈不為後世明鑒哉然 英宗非游畋佚樂故第悞耳其被留卜所尚念軍民飢令刈秋稼入城以帝王之心哉得復國非幸也夫宋徽欽不返而 英宗復辟雖天命有在亦


事機不同曩即令 憲宗嗣位則所重在彼勢不能絕卜欲不為宋高宗亦難 景帝則兄弟之義與父子殊也此于謙輩所以立 景帝有微意哉雖然 英宗之得返則在此也此不急迎復彼將抱空質耳何利而不歸之使求之者急彼肯晏然已乎然則 景帝雖恩禮有失而繼統為正廟號今所宜議復也于謙有定國之功而以冤死悲哉○于慎行曰 英宗北狩群臣疏請迎復至再不報 首伯顏帖木兒也先索人出迎至再四不報及送至都門竟無一介行李而于迎駕勢窮情極遂至自入 景帝之



心可知也當是之時君臣大義骨月至情豈足動其聽哉
惟有利害可陳耳設有戰國策士必將說之曰今不急迎
上皇_下日以 上皇為名擁車駕于前入居塞上攻剽城
邑守邊將士不敢北而發一矢又迫 上皇傳旨索金犒
邊臣何以予之一年不還一年不止是坐而自困也此
其小也萬一 上皇怨 陛下不迎扈從諸臣有如喜寧
輩進策擁胡騎數萬結一二邊將由甘肅寧夏而入直至
咸陽復以位號布告天下東向而請命于 太后 陛下
何以處之周王以狄兵入有故事矣此其遠者萬一邊鎮

親王有為不軌之謀者以迎駕為名稱兵塞上假託祖
合從諸藩即其謀不遂而朝廷固已多事矣惟有亟迎
上皇奉入大內則群謀自解禍難潛消 陛下安枕九重
之上孰與懸口實于天下而陰受其害耶此言一出奉迎
之使立遣矣而在廷諸公不聞有言及此者乃徒以君臣
骨肉之說進宜其不入也何也利害之念重必有甚于所
慮者乃可入也


何喬遠曰袁彬楊銘李寶雖顛沛流離不失君臣禮中國
藉以大城下之迎當事大臣如于謙之才王直之文胡濙



之者舊高穀之用意忠厚悉縮首穴視趙榮復與王復挺
身而出豈不壯哉李寶楊善即非君子耶入不測卜廷枝
梧謾語有足術者善得封伯榮復亦至大官而寶對上
皇引咎自責數語業失上意及歸復作出使錄其詞浮
誇又居鄉橫暴自媒求進以都御史坐斥為民子孫禁不
叙或以封或不免于濟緝洗蓋士君子所以用世在居謙
矣况夫君臣之際耶其中對語亦不可以不存也
設遷曰衛成公歸自晉惠公歸自秦彼兄弟甥舅之國
敦夙德禮光復千乘若夫天子至尊貴也漢太公一虛號

尚割鴻溝而盟之故懷愍徽欽游魂不返其地彌重則其
挾彌堅况夷德無厭虞淵淪照即劉聰石勒完顏氏之後
桀鷙不再而抱其空質以待馬之角烏之白將無漠北一
老人夫誰制焉又不然寢尋二三載漢兵之短長易見也
利則歸之瑕則猶竒貨耳何也先之憤天與不取而使楊
善收功顏頰之間社稷之靈也二三子之力也夫明之不
為晉宋者幾希雖然晉宋惱矣英宗之仁景帝之決
何晉宋之足云

朱國楨曰英皇之得歸天威亦天意也當是時于少保




以用兵為正鋒王文以拒絕不遣使為偏鋒偏本左也而
反以濟正其中有莫之然而然者故能挽滔天之橫決維
鰲極于將傾而推本所自則又有說方 高皇驅逐 文
皇犁庭雖深入窮追不遺餘力而所獲嫡孫則封而歸之
來降頭目則賞而官之 文皇時頒撫卹並至蓋攘卻中
尚斬伐一以涵育化導為主既已先天而峻大防存大體
矣夫夷狄亦天之並生並育具有良心寧不後天而默
順天意以報大恩乎合前後觀之自為施受自為終始人
皆囿其中而不自覺乃知 二祖之規模宏遠而 列聖

之亨成所以安中國制外夷者正未有艾也

丁亥監察御史羅澄上三事聖學法祖敬天書上納之
戊子昏刺木星犯十二諸侯秦星

庚寅遣告天地社稷山川之神大赦天下詔曰朕奉 先帝
聖體之遺遠值國家中衰之運痛機務擅專于權倖致 大
兄悞陷于 廷賴 天地祖宗眷顧之隆荷 母后臣民付
託之重授朕大位俾紹圖鴻慰安人心奉承宗祀雖神器有
可保柰王業以多艱夷 內侵蠻苗內擾方茲攘除已定尚
宵旰靡寧願滅賊之難威思以誠而懷怨肆屢遣人重賫其



金帛投下所好迎復 大兄柰頑梗而後弗豈怨仇之可匿
方圖大舉遽見彰聞近月以來遣其親信伏闕朝貢固請講
和至于再三悔見乎詞款浮于過朕不得已為親而屈厚加
金帛選使偕行敢謂德可動天自信誠能化暴八月十五日
也先果遣五百餘騎奉送 大兄還京臣庶交懽宮庭胥慶
朕即位之初已祇告天地宗社上 大兄尊號曰太上皇帝
禮惟有隆而無替義當以卑而奉尊雖未酬復怨之私姑少
遂厚倫之願爰稱恩典溥及臣民所有寬恤事宜條列于後
云々嗚呼雪耻不以威而以德誠有伏宗社之靈遺民不予

勞而于安志在益邦家之福尚賴叔祖叔父群臣賢哲匡朕
躬于不逮庶几華夷蠻貊四方遐邇臻治效于無窮

辛卯戶侍郎江淵兼翰林院學士直文淵閣

壬辰右都御史楊善為左都御史仍署鴻臚寺事都指揮王


恩等十七人賞金幣襲衣有差

特誅太監金英蒼頭李慶

癸巳宴下使于奉天門

提督守備居庸關右僉都御史王竑疾還京

夜大星青白光自北落師門流近濁



甲午 上皇宴 使于南宮

乙未 琉球入貢

瓦剌正使塔台參政刺來為都督僉事餘指揮同知四十三人各給冠帶綵幣

貴州苗賊富豔等械入京伏誅 苗酋韋同烈據香爐山叛

戊戌 召商中益肅州納米豈

大同總兵官定襄伯鄭登製偏箱車上之工部謂可守不可攻不果行

己亥 起復南京兵部右侍郎杜寧

兵部尚書兼翰林院學士苗衷致仕賜勅子穉國子監學正

特除南京監察御史護行

左僉都御史蕭啟提督居庸關

夜大星赤光自天舩流文昌

九月壬寅朔監察御史陳述張奎項總應灝胡瑞李玘楊進畢

鸞盛琦劉訓金愷清軍江西陝西河南福建湖廣山東四川


山西浙江廣東淮揚

癸卯命山西河南左右布政使楊鼎年富莞運邊糧

築通大運西倉城護餉

國權 景泰元年

六十七



大理寺右寺丞段信卒信三原人正統丙辰進士授杭州推
官擢御史進右僉都御史巡撫保定失事謫寺丞沒乞歸葬
詔復其家

乙巳昏刺金星犯鈎鈴東星天西西南諸星散亂山東四
丙午刑部右侍郎兼翰林院學士江淵改戶部
赤斤蒙古衛都督僉事阿速為都督同知

丁未免去年順天兵荒田租

左都督朱謙為撫寧伯都督同知紀廣為右都督

守備蘭縣都指揮僉事李進請製獨輪小車視賊勢為進退

戰守制小費廉從之

夜火星犯壘壁陣

己酉邠府審理副朱紱為湖廣道御史

庚戌翰林院侍讀商輅為學士

以大同鎮守大監陳公忤總兵官郭登召還公令右監丞馬

慶鎮守

夜土星犯太微垣上相星


辛亥都督僉事武毅為征蠻將軍左副總兵鎮守廣西

命澤潞平定汾州之民轉餉大同

國權

景泰元年

癸



夜火星犯壘壁陣


壬子瓦剌脫、不花王貢馬賞例如也先

癸丑勅太保寧陽侯陳懋知經筵事戶部尚書兼翰林院學士陳循工部尚書兼翰林院學士高穀同知經筵事戶部右侍郎兼學士江淵學士商輅侍講學士劉鉉吏部右侍郎俞山禮部左侍郎儀銘兵部右侍郎俞綱國子祭酒蕭鎡左諭德趙琬兼經筵官侍講吳節趙恢徐瑄陳文劉定之周旋脩撰林文李紹編脩薩琦楊鼎呂原周洪謨劉俊陳鑑岳正葛安劉吉劉翊李泰檢討邢讓分直侍講武清侯石亨昌平侯

楊洪安遠侯柳溥太子太傅禮部尚書胡濙太子太保吏部尚書王直太子太保戶部尚書金濂少保兵部尚書于謙刑部尚書俞士悅工部尚書兼大理寺卿石璞左都御史陳鑑王文侍班

勅兵部尚書靖遠伯王驥總督南京機務
巡撫河南左副都御史王來為右都御史總督湖廣貴州軍務

甲寅脫、不花王使臣都督僉事皮兒馬黑麻為都督同知丙辰補給忠勇伯蔣信祿時回京



丁巳右僉都御史祝暹往倒馬關守備

戊午禮部請瓦剌報使不許

己未免黎平土兵沅靖洞丁田租二年

庚申夜火星犯壘壁陣

辛酉初龍門所倉糧七萬八千六百餘石至不守至是路

通左侍郎劉璉乞都指揮楊信運入懷來永寧城從之仍命

宣府總兵官巡守開平馬營

壬戌昏刻月犯鬼宿金星犯天罡上星

甲子監生陳謨楊樾俱為禮科給事中

南京吏部尚書魏驥致任閣臣陳循出驥之門欲留驥驥不可退曰陳君私朝家事其能終乎

江西道監察御史許達言 陛下舉經筵舊典每月六之寒

暑例止一暴十寒安能有成也乞經筵外延儒臣便殿不論


寒暑講求經史以應當世無窮之變至此講和尚難深信

女直于宋奉還帝后及三梓宮不數年南侵今使輶往來金

幣賞賜安知其不以此致我之空虛哉大同等處宜積糧儲

居庸等關宜屯重兵總戎任事之臣益簡閱士馬萬一彼背

好長驅且有備而無錯愕失措之患 上大是之



乙丑減四川中鹽例

丙寅禮科給事中金達為都給事中達先頒賞獨石值上至
督兵拒守故進之賜十金二幣

初禮部右侍郎李實北還言甘肅右叅將都督僉事毛忠通
命逮之兵部乞重論 上以歷効宥之歸其家屬京師

己巳免江南寶應縣災租

湖廣右叅將都督同知陳友守備靖州

庚子南京國子祭酒陳敬宗致仕

十月辛未朔夜大星犯壘壁陣

壬申吏部左侍郎曹義為南京吏部尚書禮部右侍郎儀銘

為南京禮部尚書翰林侍講吳節為南京國子監祭酒

夜金木二星合

乙亥右副都御史王暹巡撫河南及襄陽

祠故翰林院侍講劉球于吉安曰忠節

減山西代州中鹽例

右都督楊俊脩各關隘役竣回京


雲南總兵官黔國公沐斌卒于鎮遠賜祭葬

戊寅進士潘榮為吏科給事中

國權

景泰元年

七



錦衣衛指揮僉事呂貴捕盜京城內外

少保于謙言聞七先貢使逾三千人慮其窺伺宜出京兵五千列居庸關整俟從之

命內外贖罪免其運糧悉納鈔

已卯科道劾會昌伯孫忠吏部尚書趙新家人私鹽命新致任忠伏罪宥之

庚辰勅刑部右侍郎耿九疇巡治鹽法兼巡撫鳳陽淮安揚

廬滁徐和

恭順侯吳瑾領三千營忠勇伯蔣信領舊部

戶部左侍郎劉璉以保安永寧二衛保安隆慶二州乞招逃民復業從之

辛巳仍許山東西陝西浙江雲南四川畿內官分俸養親

光祿寺卿齊整請侍經筵不許

夜南京雷雨


乙酉翰林檢討署國子監助教李洪請故國子祭酒李時勉褒贈祭葬許之

山東左布政司萬觀卒觀字經訓江西南昌人進士授御史著聲尋守徽州有善政脩堯祠芝生于棟歷山東左右布政

國權

景泰元年

七



息蝗止訟民大德之

金星晝見夜月犯昴宿

丁亥定古北口中鹽例

戊子選補大漢將軍足千人

已丑韓旌府鎮國將軍範瑗孝行事生母周氏風疾剗左股愈之

禮科給事中金達官臣當到邊長安嶺至獨石田禾豐茂詢之皆總兵等官之私產也夫邊將而役軍營私何哉乞擇文武各一人統兵以往脩城繕烽不許營私河南山東畿內近

選民兵或一家二丁至三四丁冬夏在官耕植無望乞春夏回農秋冬團練上從之

庚寅山東右布政使裴綸言內官唐廣來鎮茲土供給累民每十科十僱從詐冒生事侵漁請勅廷議凡非邊境所遣內臣俱命回京上切責綸


故駙馬都尉井源弟濩乞恩授所鎮撫錦衣衛校尉劉信結司禮太監金英官百戶專偵外事下獄論死宥英

初宣府總兵官撫寧伯朱謙報下五千餘騎犯塞已即也先

國權

景泰元年

七十三



貢使三千五百也 上切責之
辛卯萬全都指揮使董斌為左軍都督僉事提督獨石馬營
等處邊城

禮科給事張聰降均州判官河南道御史謝瑒降吉安推官
宋璟降安福典史俱坐太監金英事被論

宥大辟百八十餘人戍邊

免北京逋租

總督湖廣軍務右都御史王來進兵天柱以及靖州銅鼓俱
下之俱移軍沅州

甲午七先貢馬駝四千四百貂銀鼠皮五百

乙未召還巡撫湖廣大理寺卿蔡錫

丙申大理寺右少卿羅綺為刑部左侍郎刑部署郎中事周
璫為右侍郎

夜大星青白光自文昌流軒轅


戊戌少保于謙請罪人悉戍宣大補伍仍措餉詰紫荊倒馬
各關守臣戍守之實從之

十已亥禮部右侍郎李實為右都御史巡撫湖廣
錦衣衛帶俸指揮使馬顯為都指揮僉事

國權

景泰元年

七十四



裁鳳陽監倉南京戶部主事

十一月辛丑朔命吏部覈各官省親展祭養疾丁艱赴部違限者罪之

壬寅鎮守浙江兵部左侍郎孫原貞勦溫處餘寇母聞喪命俟賊平終制

始命右僉都御史王竑總督漕運

夜大星如梳青白光自昴宿流參宿三小星隨之

癸卯命昌平侯楊洪以三千騎分守開平龍門懷來永寧諸

城

甲辰陝西都指揮馬讓為都督僉事副總兵協守寧夏

遼東都指揮使王祥加左軍都督僉事

處州賊平斬陶得二等二百四十餘人招撫三千六百餘人

太監金英下都察院獄錮之左都御史陳鑑等劾英縱舍人


私盜受賂如指揮韓志陞署都指揮僉事內使汝住陞長隨

奉御都指揮孫鏜陞都督總兵官校尉劉信陞百戶工部尚

書石璞錦衣衛指揮僉事呂貴俱受其賄宜籍英重論上

命錮英訊鏜璞志俱論死宥之

乙巳禮科都給事中金達言江西按察僉事夏時立均徭法



五年正役又五年雜役此法最善叅政朱得構沮之乞復其
法又富戶避重役附充遠場灶戶乞巡鹽御史勘草從之
丙午瓦剌使臣昂克為都督同知哈只阿力者刺阿老丁俱
為都督僉事

真定大長公主薨

丁未南京禮部主事章綸為禮部儀制郎中進士黃得溫為

吏部考功主事

發龍門衛倉賑宣府飢

戊申都指揮使楊能為游擊將軍與都督僉事石彪各領三

千騎練兵

禮科都給事中金達等言守令任滿當去輒令耆民留保乞

吏部從公斥陟仍都察院榜禁從之

巳酉遼東左叅將都督僉事胡源為都督同知都指揮使宋


政為都督僉事

賑山西馬邑縣饑

辛亥上皇萬壽節禮部請令群臣朝廷安門不許

甲寅雲南署都指揮僉事沐璘為都督南同知征南將軍總

兵官鎮守雲南署都指揮使胡誌為署都督僉事左叅將協守



乙卯浙江台州同知府周旭鑑加布政司布叅政旭鑑廉謹
有善政盜不入境

大名右叅將都督僉事許貴為都督同知都指揮使周廣為
後軍都督僉事右少監韋力轉為左少監

陝西右叅議趙忠刑科給事中祝瀾俱起復違限下刑部獄
夜大星青白光燭地自平星流庫樓

丙辰夜月犯五諸侯

丁巳定納糧冠帶例大同二百五十石山西四百石
夜月犯鬼宿

己未十餘騎猝犯寧夏西門左叅將都督僉事丁信擊斬
一人掠男婦二百五十餘馬牛千餘


辛酉昏刺金星犯壘壁陣

壬戌城遂溪縣

癸亥行人郎昧朱驥張紳知縣楊貢學正王驥教諭張維訓
導設泰周哲李叔義監生張琛孔鑰戈立余泰為南京監察
御史

夜月掩房宿

甲子署都督僉事石彪為都督僉事



夜大星赤光自井宿流游氣四小星隨之

丙寅河南同知呂達為知府

遷太原平陽各屬預備倉入城

提督獨石等處操守都督僉事董斌以獨石馬營雲州鵬鶚赤城龍門李家庄馬安嶺官軍或暫寓懷來永寧或遣戍宣府又或懼寇覲內地乞各還原城分守從之自是率兵度龍門且戰且守八城復固

嚴從簡曰此所謂口外八城堡也失之于楊俊而復之于董斌內而肅愍文莊之執議外而楊洪朱謙之圖畫俱不


可誣也今八城為宣府北路雖稱孤懸而所以屏蔽鎮城聲援京國者實重且大矣嗚呼由是而及開平而大寧固不可深思乎善哉少保之言曰尺寸退進之機安危治亂之所繫也

丁卯封成鍊代世子成鱗安 王徵鈞韓王祁鉉洛川王

戊辰免彰德去年田租七千八百餘石

右軍都督僉事陳友牧馬東安等縣俱瘠弱下獄降都指揮使協守倒馬關

己巳勅工部尚書石璞同內官武良往山西會各官議措餉



轉粟或擺堡或長運從其可者

夜大星赤光自北極帝星流近濁

庚午瓦剌脫不花王貢馬

賑大同饑

十二月辛未朔停四川明年戶口鹽鈔

壬申戶科給事中程信等言昨長安左門外有使在玉河橋左右奪馬有騎馬欲直入長安門左輦轂之下尚敢恣肆則狼心可槩見乞諫部嚴諭及兵部并聽督等官練兵預備上從之

甲戌令戶部都察院各遣官覈蘇松常鎮等伏賦

城順天良鄉縣尋已之

丙子荆王瞻垞欲朝 上皇書止之

丁丑彭山知縣黎顯為嘉定知州


免河間及河間藩陽大同三衛去年旱租四萬一千七百餘

石鈔四萬三千餘貫

戊寅 科給事中何陞監察御史柳春同左少監彭以得督

運京糧于宣府

四川叅將署都督僉事劉深為都督僉事都指揮使徐海為



右軍督僉事 都

已卯騰驤右衛前千戶所軍餘劉潑兒前陷下侍 駕回至

是以御衣白絹衫自陳賜鈔千貫

甲申瓦刺進馬三百二十九匹俱下駟各給紵絲一絹八折

絹一

命有司逮逃匠三萬四千八百餘人

乙酉夜月食

己丑巡按浙江監察御史黃英請麗水縣之鮑村瑞安縣之

羅洋增縣治巡司千戶所又高宗宗賜衍聖公孔玠衢州田

五頃奉廟祀洪武間王希達冒姓附籍因得罪沒入官乞復

給前田于孔氏又洪武初遣監生于各省丈量田造魚鱗圖

郡縣各存冊世遠世無攷明年例造冊宜如洪武法事下戶

部以立縣丈田議行之

昏刺火星犯壘壁陣水木星同度

庚寅撒馬兒罕地面等入貢

壬辰工部右侍郎趙榮為左侍郎


總兵官武清侯石亨請選各營把總頭目每營置都督一又

簡驍銳加其餉每一萬為一營臣親督訓練從之

國權

景泰元年

十



癸巳勅鎮守陝西左副都御史劉廣衡往延安運綏德粟二萬石于保德備偏頭之餉

丙申禮部請明年正旦群臣朝上皇于延安門寢之

丁酉徐州河淤勅右僉都御史王竑治之

己亥給山西二萬金分貧民糶種

召商中益貴州

國權
景泰二年辛未
鹽官設遷孺木著

景泰二年辛未

正月辛丑朔上皇在南宮

壬寅郭嵩充宿衛舍人帶刀

吏科都給事中張讓等劾朝覲科斂命指其寔于是劾高州


知府易輓梧州知府諸忠高唐知州唐泰吉水知縣劉晟

癸卯白虹貫日

丙午勅右僉都御史鄒來學提督脩守山海關至天壽山等

國權 景泰元年

壹



關隘仍兼提督順天永平軍務

勅提督遼東軍務左都御史王勰鎮守太監宋文毅以脫
不花王親捕野人女直先到開原城已令永平山海總兵官
選兵五千候于開原又京兵三千援之今都指揮石忠來遼
東伺可汗至遣與相見

勅右僉都御史祝暹提督鎮守真定保定 是月賑柳州饑
丁未貴州右副總兵都督田禮鎮守福建都督僉事范雄俱
昏曠召還 是月減大同中鹽例

禮科都給事中金達乞會試每經增同考官取士毋出二百
五十人外監察巡綽等官軍曾入場及子弟應試俱令引避
又祀郊廟文職五品以上得陪祭其年深主事署郎中者未
預 上從之同考官如舊

庚戌 上南郊


廣西指揮范信都指揮指揮同知孫麟為左右叅將 協守廣西
夜大星青白光自畢宿流奎

辛亥大計布政使宋興既存按察使王瑄柯暹叅政柳芳李
瓘叅議羅恪李柰李源張維僉事王通知府姚本吳涯 天曼
富敬郭瑾陳勛黃平俱免餘黜七百三十餘人

國權

景泰二年

二



犯寧夏半午城都指揮僉事李玉等不即追被劾

癸丑兵部右侍郎鄒幹右僉都御史陳詔清理軍務貼黃

甲寅命南畿山東河南捕蝗種

乙卯起復定州知州王約

瓦剌脫不花王使臣忽秃不花為都督同知字端兀馬兒

伯顏帖木兒俱為都督僉事

賑臨洮饑

丙辰大計拾遺罷免四百八十四人削籍十三人

詔客商輸金百八十馬十五量授雜秩

賑太原平陽大同

貴州湖廣總兵官保定伯梁瑤擊苗賊于靖州大破之斬二

千七百餘級擒三百七十餘人越再宿賊大至又擊斬千四

百餘級擒二百九人又破新添寨斬二百三十餘級擒二十

一人又擊回巢賊斬五十餘級擒十五人明日斬七十五級

擒三人

戊午南京山川壇井醴泉出


庚申起復鎮守真定右僉都御史陸矩

天鳴

國權

景泰二年

三



辛酉詔山西入覲官以太原糧輸威遠衛山東入覲官以德
州糧輸大同

賑廣昌靈邱饑

寧夏左叅將都督僉事丁信朱事降都指揮同知往延綏以
都指揮使熊震為左叅將

夜月犯心宿

甲子監察御史林廷舉成邊衛以太監金英私鹽事敗露受
賂也

重建長陵神宮監先火

浚鎮江常州運河

度僧三萬人

乙丑遺書脫不花王曰與可汗好和非一世今宜各順天
心勿妄生事端傷好歲使可一二所遣止百十人此朕與可
汗之利也

丙寅命教官闕方許守令保舉儒士


許鳳陽麥蓋抵去年租
起復荊州府同知陳禧勦賊

廣西徭賊陷化州

國權

景泰二年

四



鎮守廣東都指揮同知姚麟往雷廉高肇勦賊

已巳勅勞韓府襄陵王冲炆孝行

夜大星青白光自天柱流近濁

二月庚午朔鎮守延綏都督同知王禎為右都督協贊軍務右

僉都御史馬恭為右副都御史

夜木星犯牛宿

辛未 上幸太學釋奠先師

廣西流賊三百餘人陷封川縣殺指揮周智

南京翰林院侍講學士周叙請復午朝 上大是之下禮部

求直言

巡撫四川右僉都御史李匡以奉詔榜諭播州苗乞給印

賑西安饑

靖遠伯王驥言山川壇醴泉禮部欲賀不許


戶科給事中李侃言禮部奏會試不分南北士夫江北文樸

江南文蔚故洪熙初楊士奇議南人十之六北人十之四似

不可改刑部左侍郎羅綺亦以為言不允

乙亥南京刑部右侍郎鄭泰為左侍郎翰林院脩撰劉儼為

侍講行人程敬為貴州道監察御史監生姜約為吏部稽勲



司主事

官兵進貴州之興隆清平平越時韋同烈偽稱苗王糾三萬
衆屯興隆之三截洞復攻平越清平各衛總督貴州湖廣軍
務右都御史王來以總兵官保定伯梁瑤發沅州東路都督
方瑛自西路會于興隆擊賊敗之賊退據香爐山

丁丑戶部右侍郎兼翰林學士江淵脩撰林文主禮闈

吏部文選司主事李賢上政本十策勤聖學顧箴儆戒嗜慾
絕玩好慎舉措崇節儉畏天變勉貴代近振士風結民心
上嘉納之詔付外給事中李侃言賢策謹宜鑒納詔取入錄

置左右禮部尚書楊寧曰吾讀崇節儉一事殆泪下也時官

中戲為金銀並編修楊守誠賦銀豈謠云願將銀豈三千斛

活取枯骸百萬人

南京太僕寺少卿王榮為寺卿

慶遠知府楊禧秩滿加布政司右叅政

已卯免揚州河間災租萬六千餘石

起復禮部右侍郎懋儲

夜月犯鬼宿

辛巳都指揮同知汪泉指揮使汪瑛為中軍左右都督

國權

景泰二年

六

